



[www.BibleForChildren.org](http://www.BibleForChildren.org)

# Mátíyu 26



Ite Asiu  
kené sótaikú  
iahreraq ko  
tánáhráq  
áhníbóránútaq  
abapete morá wéhékáh  
kotaq Sísaga Pétáni suwahpeq  
Árásárúsi, iriato ani nawahpeq  
kúwe. Máhríaga kaweq  
werí áhnte moné tahnsa  
wérí Sísane aigárátáq antiarena  
wene íre wahto ayáhrátáté sobarúq  
auwowe. Mi werí kaweq kunkúni  
werí púana nahupeq moke kaweq kungúnúwe.



Sísa kéro ke airápété téhraníte míówe. Sebaté ání  
wenáwíqtare Súrása Ísíkáriótie. Wega Manikáne  
ehweh mibeq mahbeq arítáh kébá  
pokue sensabé, Sísa iteba  
méauwaníe úwe. Méauwaníe  
teriuwara iwíáh iwíáhéra  
móne awenéhboq miraúno  
uwana Súrásaga  
kowe aritena se  
Sísaba móríte  
Tanáhráqsábé  
iwíáhue  
kabarúwe.



Koreawéro úwaq itega  
mi ehwéh sehgieq mitaq  
sótaikú tanahráq iahreraq ko  
tahutáhúq kawerarahwáne. Itega  
Táhutahurowanaraq Sísaga páréti  
mewena Manikánsabe kaweróne  
atena keqme ite we kérahwána  
ke náiena itensabé, Mahnawé  
niwaq mire.



Nahro úwaq nahwane. Nahwanana  
náhniáq sera ano ko kahpú  
mewena Manikánsabe Kaweróne  
atena náiena itensabé, Itega ómiga  
moke nahro. Néne korahq mire.  
Néne korahq tuinaga itereq  
áhnte mó kereq Manikánka  
insahwé aitena itene ahbabáq  
kaweraitankéhe.



Sísaga Pítansabé mahraréna, Sáímónio, Sáímónio,  
írátíahno. Owainawanka iwíáhéna, Ahreronká námúq  
sibinsibinonserahnue ite abehq náneq tahnsá  
úkigeheéna íwíoqnanie ire. Amahnága arega ínénsabe  
aiq pútare ainte néne sánsá ambubu atiahne. Néne  
sánsá súéhneho éna arensabé púreratóge. Arene  
ahbabáq sue íné  
séranie  
íwíáhinaraqmé  
arereq morá  
árámbéhrí ké  
séhréh arito  
úwe.




Úwana Pítaga Sísansabé, Néne Wahnahno, are  
kérónsábé karábúsiipéq móintaneherabomo nubiq  
suaneherabomo. Anetaníbo. Kéraníe úwe. Úwana  
Sísaga wensabé, Teawiníboq írátíahno. Ibora  
kokórega ehwehnina ínaraq arega íné íre tagaríóge  
apahtáróráq irariniewóne úwe.



Sísareq ite we kérahwána  
kereqka mitaq sueq  
Késémáni matábúráq  
pokowane. Sísaga  
itensabé, Ite mahtaq  
tútuue míehrana íné  
móbeq kobúrono éna  
Púrerue mahraréna,  
Nániboo, arega moke  
miraorahóne. Mah iré  
káwéq súnúq móruo. Íre  
íné nuwahbeh sansá peh  
are awahbáhna sansánúno  
ue púrerúwe.



Manikáne ehweh mibeq mahbeq arítáh kéreq Péhrasi  
kereqka Manikánsabe iwíáh íwíáh atáh náhtápéqté  
párisíwárínseq sóntía kereq eqmaq súówe. Eqmaq  
súó kereq Súrásaga meriqmena mi matábúrác  
súwe. Sega sahmárínkákác áráhmuakác  
kánéqkakaq mewera suwe. Uwana  
peh morá kéro anínká wene  
pokatate Manikáne ehweh  
mibeq mahbeq arítéh ániné  
arambehri aní apiwe wene  
púpeqte áhré kiraq auwowe.  
Ahre kiraq auwowana Sísaga  
sensabé, Aiq míre. Túbáh  
agoro éna kiraq auwo aniné  
ahre táhtoqme kaweratowe.



Sega Sísa táhtoqme meqmera kure se mótaq we  
mótarue Pítaga sinehe kaqme kure sega Manikáne  
ehweh mibeq mahbeq arítáh kéné wahnahne  
nahtapeq kuwe. Mi  
matábúrác ira parewe  
tútuue míówana Pítaga  
mitaq kowéna tútuue  
míowe.



Manikáne ehweh mibeq  
mahbeq arítáh kéné  
wahnahne arambehri  
anínká Pítansabé,  
Sísareq arereq  
mátaburapeq míehyana  
tagéwó mino úwe. Mi ehwéh  
irarú animé we Pítaga ahre  
apiaro aní awahrah aníne.  
Tagéwó mino úwana Pítaga  
mónkakáq ahqáho úwana  
kokórega ehwehnúwe.



Mi ehwéhnúmé, Kokórega  
ehwehnina ínaraq arega  
iné íre tagaríóge  
apahtáróraraq  
irariniewóne únsabe  
Pítaga iwíáhéna kéirigue  
móbeq pokéna anotahtaq  
ibisówe.




Minayabe Sísansabé ehweh ató  
kega we meqmera Páhírátiba kure  
mitaq mó ehwéh atera mahraréra,  
Iteruwahrah moke íre  
kaweraruanieéna péhe  
éhwéh síwáhnorire.




Ehweh atówana Páhírátiga  
Sísansabé, Arewe Asiu  
kené wahnahpo kasenúwana  
wega wensabé, Arega aiq  
iraréne úwana Páhírátiga  
Manikáne ehweh mibeq  
mahbeq arítáh kéreq  
momiwíurió kereqsabé,  
Mah aníné ahbabáq

íre ahteboqe úwe.




Páhírátiga, Sísa pugeq auwanuage  
íwíáhéna míó keyabé, Páréhba íre  
pugeqiníe. Sísa pugeqiníe úwara  
sega anotah ehwéhnabaéra,  
Ahqáho. Awankátaq  
táhpawe subiq suo.  
Awankátaq táhpawe  
subiq suo uwana  
Páhírátiga sensabé




anehe mó kasenéna,  
Aneqsabébo?



Uwana Sísa awankátaq  
táhparageheéna Páhíratiga  
móatowara sega Sísa meqmera  
pokuwe. Segá Sísa meqmera  
pokuwana Sísa wewe  
táhparéhra awánká abaqmena  
kúwe. Kire kire sawéh áwíq  
Ayahqno Tánúnsutapéq pokuwe.  
Íbaru ehwéhmé mi sawéh áwíq  
Kógótae ue áwíratówe.




Sega Sísa awankátaq níriraté wene  
ayahnkaratáq subiqmaq aigárátáq  
subiqmarue táhparera awanká  
pankeqme marakóipeq  
pearówe. Pearera mó  
anité mó  
awánkátáréráq  
táhparera  
pankeqme pearówe.  
Sísa ákáhpi pearera  
mi anité ayehré ayehré  
pearówe.



Wéhékáhnabubu moke mah marákó márákó  
sunkíkíragúwana íó tunsorerutaqkákáq peh  
sunkíkíratiowana pópoqnah mi tanáhráq íre téhrówe.

Manikánsabe iwíáh íwíáh atáh  
náhtápéqté páráhnikéq tahnsa  
ónsá senahpeqté subame  
tunse téhtaré úkúwe.

Sísaga anotahta q mahraréna,  
Nániboo, néniwa arene  
ayahpi máróge éna  
putiowe.



Sósépawe Árimátéa suwahpeqte  
ánínúwara mó kegá, We kaweq  
abóáwáh wéh wíre íwíáhuwe.

We Manikánka wahnah  
wahnahni tanáhráq  
áwénunue taga tagaú  
aní míre. Úwara  
Sóséparehga íre  
wahto taberábe

ambántá  
paiqmarera  
Sísane anonka  
kiwewe marakóraq  
márumarera  
ambantaipeq úbíqme  
mewera ubusa  
onápípeq  
mómaisarówe.



We íre áhreia Páhíratiba pokéna  
wensabé, Sípane anonka mewena  
mómaisaranínkono úwe.  
Maisarera ebah ubusa  
ónápípeq marera anotah  
ebáh paentáwe kure  
maisiaró mehpeh  
paiqmarera  
pokuwe.



Sísa maisaró wehekáhmé Asiu kene  
ahrena ahrena  
wehekáhné  
ménámehnsá kawerare  
wehekáhne.



Mi wehekáh parabagúwana mó wehekáh  
Manikáne ehweh mibeq mahbeq  
arítáh Kéreq Péhrasi  
kereqka Páhirátiba  
kosoruparawéra  
wensabé, Anotah  
aníno, péhepehenurai  
anínká oga  
míaraitaq

mahraréna,  
Íné pukéna  
apahtáróráq  
mó oganúkinauge uraire.



Itega mi ehwéhnúmé aiq iahreraq  
kéhre. Kawerue wahnahnarito  
úwara sega sóntía ke  
meriqmera pokue  
méhpeh paiqmáro ébáh  
ónsá perahsarera  
mó kegá sirúého  
éra sóntía keyábé  
kawerue




wahnahnoro arítówe.




Ahrena ahrena wehekáh  
parabagúwana o wikí kowara  
ebeqte wéhékáh ahbiahipaq  
íó kiembogútaq Mágára  
suwahpeqte íní  
Máhríareq mó  
wenaogo  
Máhríareqka  
maisarorabeq

tagayeheéra  
pokuye.



Tagayeheéra pokuyana anotah  
maríúwana Manikáne íópeqté  
áninká tunse méhpeh  
paiqmáro ebáh paentáwe  
móbeq marena mi  
ebáhtáq tútuue  
míowe. Mitaq  
wahnahnurío  
Sontía kégá

we tagéra  
anotah ahrééra  
iransánéra  
pusa ké tahnsa  
úkuwe.



Íópeqté áninká mi inítéyábé, Íre  
áhreotao. Íné tagaríomé itega  
Sísa awankátaq táhpato aní  
seragéhye. We mahtaq  
íre míéhre. Wega  
irarurainserah  
ogánúkire. Wene  
anonka matotaq  
seragahtao.




Úwara mi inítégá áhreéra peh sene  
sirupipeq iwíáh íwíáhéra apubúue  
mitaq suera pehbeheráhnue ite  
Sísá kérahwána ke teieyeheéra  
pokuye. Pokue ahtapeq kuyataq  
Sísareq sereq piehgíúwe.



Sísaga sensabé, Pehwehrue míáhtao  
úwara mi inítégá weba kure wene  
aigará táhtoqme iwíáh  
íwíáh atóye.





---

Anehe we kéro ke peh abapete morá ké méra  
táhutahurutaq Sísaga seba súwe. Sirupipeq págege  
éra we oganúkú ehwehnsábé íre aiq pútare  
arítónsabe sensabé siwehguúwe. Sísa itene  
Wahnahnka aiq teriuwana Manikánka we íópeq  
tumerowana wene ayah púpeq tútuue míowe.



Manikánka mah kehiná kéhínánsábé  
anotah arútábóíri puana webataq  
wenahni eqmarowe. Wenahninsábé  
aiq pútare atáh ké íre toráh agia  
peh oga mérapeq awaq  
mianehrawoe.



Aroma 3:23 Ite moke mah kehiná kéhínánká  
ahbabárurauna puag Manikánka kaweqtaq mía  
míainserah ite kaweqtaq íre mía míaorahúne.

Aroma 6:23 Ahbabáqka saiqnariéhnká aneq apéq  
wehuke siro? Ahbabáqka saiqnariéh ké  
pukoneherawoe. Itene Wahnah Sísa  
Karáhénsabe aiq pútare atona kewé Manikánka  
wáh kaweraitena oganúq itena, Sísa req ahriahri  
mía míaoro aitéhre.

Íbaru Ke 9:27 Wehukení mónkakáq mónkakarue  
íre pukia peh morá tánáhráq pukinawire. Mina  
inserah Sísa moq peh morá tánáhráq pukúwe.  
Wehuke pukirataq anehe Manikánka ehweh  
aritena sainsuankéhe.



Épésa 2:8,9 Itega Sísa Karáhénsabe aiq pútare  
atárónsabé Manikánka ite anotahtaq  
arutaboiraitena ite meirena kaweraitáráire. Íre  
iteitega mirauronka kaweraitáráire. Írakaumo.  
Manikánka wáh kaweraitáráire. Íre iteitega  
arambehriuronka kaweraitáráire. Minayabe  
iteíwíq íre pankerahráhowe. Írakaumo. Itega  
mirauronsabé íre iwíáh iwíáhorahowe.

Aroma 10:9,10 Íwáhnoréq mahraue teiune. Sísa  
néne Wahnah mire íwéhrate iraréq wega  
pukútaq Manikánka iriwe oganúq atonsabe  
irupipeq iwíáhirataq wega meirena  
kaweraitankéhe.



Manikánka irupipeq aiq pútare atáh ké insahwé  
aitena íwéhrate, Sísa néne Wahnah mire irare  
ke kaweraitéhre.

Sóni 3:16,17 Manikánka mah kehiná kéhínánsábé  
anotah arútábóíri puana webataq wenahni  
eqmarowe. Wenahninsábé aiq pútare atáh ké íre  
toráh agia peh oga mérapeq awaq mianehrawoe.

Wenahninká mah kehiná kéhíná ehweh  
aritankeheéna eqmaroo? Írakaumo. Mah kehiná  
kéhíná kaweraritankeheéna eqmarowe.



1 Sóni 5:11-13 Manikánka teí éhwéhmé oga mérapeq awaq miageheéna wega oganúq ítéhre.

Wenahninká miraúnsabe oganúq ítéhre.

Manikáne ahninkáwáreq mía míai anímé oga mérapeq awaq míéhre. Manikáne ahninkáwáreq íre mía míai anímé oga mérapeq awaq miehro?

Írakaumo. Oga mérapeq íre awaq míéhre.

Manikáne ahninkáwánsábé aiq pútare atáh kéó, itega oga mérapeq aiq awaq míone éq ahtebageheéna sehiranue teiúge.



Mátíyu 26-28; Áruká 22-24; Sóni 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Awa Bible (awb) © 2002, Wycliffe Bible Translators,  
Inc. All rights reserved.

<https://live.bible.is/bible/AWBTBL/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

